

重刊道藏輯要

元始无量度人上品妙經卷之四十一

五行備足生靈壽域品

道言昔於大羅浮光天中妙安飛真大善極士受元始度人五行備足生靈壽域无量上品元始天尊當說是經周回十過以召十方始當詣座天真大神上聖高尊妙行真人無鞅數眾乘空而來紫烟散景流雲交映仙歌合奏神風靜籟絳車彩蓋寶網瓊軒三素玉光九華窈窕洞煥太空七日七夜諸天宮殿日觀月扉星網含次斗宿經躔璇璣玉衡泊然停景神烟散藹山海藏雲天無浮氣八景明清一國地土山川林木緬平一等無

道藏輯要

度人妙經

一

元集二

復高下土皆作紺玉無有異色丹彩青明涵影轉照眾真侍座元始天尊玄坐空浮五色獅子之上說經一徧諸天大聖同時稱善是時一國男女安壽超逸五行之氣大備大足無有傷殘說經二徧慶雲昭瑞惠露敷空說經三徧萬寶呈祥五行昌順說經四徧神鍊心通民無疾病說經五徧天靈寶蓮真仙化立說經六徧玉嬰空歌音參大洞說經七徧九幽息對水火分源說經八徧真符宣宥幽顯霑恩說經九徧萬神迎光混生帝一說經十徧朽骸重起靈運成人是時一國是男是女莫不傾心皆受護度咸得長生

道言是時元始天尊說經一徧東方无極无量品顯仁大神無

軌之眾浮空而至說經二徧南方无極无量品成化大神無軌之眾浮空而至說經三徧西方无極无量品周覽大神無軌之眾浮空而至說經四徧北方无極无量品收攝大神無軌之眾浮空而至說經五徧東北无極无量品定志大神無軌之眾浮空而至說經六徧東南无極无量品普振大神無軌之眾浮空而至說經七徧西南无極无量品保安大神無軌之眾浮空而至說經八徧西北无極无量品正氣大神無軌之眾浮空而至說經九徧上方无極无量品元光大神無軌之眾浮空而至說經十徧下方无極无量品妙靈大神無軌之眾浮空而至十徧周竟十方无極天真大神一時同至一國男女傾心歸仰來者

道藏輯要

度人妙經

二

九集二

有如細雨泛空合沓駢至無軌之眾進國一半土皆徧陷非可禁止於是元始運神真境聚萬八千天十方國土九地幽泉圍成一珠大如黍米在空玄之中去地百丈元始登引天真大神上聖高尊妙行真人十方无極五行備足至真大神無軌數眾俱入寶珠之中天人仰看惟見勃勃從珠口中入既入珠口不知所在國人廓散地還平正無復畝陌元始卽於寶珠之內十方國土無軌數眾天人仙聖一切鬼神之中普告大眾曰五行備足生靈壽域者爲天地之終極大道之要妙自非上聖不得而明五行者三才之神用至真之靈蘊風熱燥濕寒爲天之五行木火土金水爲地之五行喜怒思憂恐爲人之五行生長化

收藏爲四時之五行周天氣者六期爲一備終地紀者五歲爲一足五行備足則氣運平正氣運平正人無夭傷各得全其天年至學之士抑勝助衰使正氣長存無太過不及之患則長生神仙久視無窮得安壽域域者限畛軫對際之義數之終始五六相合而七百二十氣爲一紀凡三十歲千四百四十氣六十六歲爲一周不及太過則非備足所謂備足正宮正徵爲備足少宮少徵卽非備足五行平正則陰陽無剋賊之患陽法順施長生不死變化返覆出生人死入死出生羽化神仙與道合體上爲真人說經都竟眾眞監度以授於我當此之時喜慶難言法事粗悉諸天復位倏歛之間寂無遺響是時天人遇值經法普

道藏輯要

度人妙經

三

九集二
Xb13

得濟度全其本年無有中傷傾土歸仰咸行善心無爲無事無爭無欲無貪無起無滅無思無得無隨言無唱物口無邪聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是魔王內諱百靈之隱名也非世之常辭上聖已成真人五行備足壽限無極通玄究微能悉其章誦之十過諸天遙唱萬帝設禮河海靜默山嶽藏雲日月停景璇璣不行羣魔束形鬼精滅爽迴屍起死白骨成人五星之精感降身形運備氣足生道永固紫脈纏腦赤筋霜髓枯朽更還至學之士誦之十過則五

帝侍衛三界稽首魔精喪眼鬼祇滅爽濟度垂死絕而得生所以爾者學士知五氣之用補缺平勝續絕延生運極化源知生之幾得道之本雖備未足穢氣未消體未洞真召制十方威未制天政德可伏御地祇束縛魔靈但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到億曾萬祖幽魂苦爽皆卽受度上昇朱宮格皆九年受化更生得爲貴人五行備足數極於九九變爲一一變於九無過不及大小齊等則金木運和水火合

道藏輯要

度人妙經

四

亢集二
八十一

德土之一氣遊行其中固此四象幽魂苦爽以洞文玄要而得受鍊備足之氣九年登真受化生成而好學至經功滿德就皆得神仙飛昇金闕遊宴玉京也上學之士修誦是經皆卽受度飛昇南宮南宮爲六氣五運之天非其位則邪當其位則正五行備足得昇南宮朱陵之府降正真之氣入身得仙世人受誦則延壽長年備則不乏足則不極一切生靈能盡此道則壽域定算後皆得作尸解之道魂神暫滅不經地獄卽得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛

神文保護受經者身

道言正月修齋誦詠是經九氣發生爲上世亡魂斷地逮役度
上南宮四月修齋誦詠是經三氣養育萬物滋榮眷屬宗親皆
獲長年七月修齋誦詠是經七氣收斂萬寶結成以濟兆民身
得神仙諸天書名黃錄白簡削死上生十月修齋誦詠是經五
氣安鎮福歸人君國祚綿長永保太平四季吉日誦詠是經一
氣和貞永斷剋害消滅瘟疫使生民安泰境土樂康位爲九宮
真人離合之日誦詠是經天道澄清大地安甯心契至真克獲
飛昇魂神澄正萬炁長存不經苦惱身有光明三界侍衛五帝
司迎萬神朝禮名書上天功滿德就飛昇上清

道藏輯要

度人妙經

五

九集二
XIIII

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外翳冥有木九火三土一金七水五二十五
眞侍衛左右日月照明五星輝耀頂生圓象光映十方如此
分明密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經無量度人願所啟上徹徑御
無上三十二天元始上帝至尊几前

畢

引炁三十二過東向誦經

元始無量度人上品妙經

元始洞玄靈寶本章五行備足生靈壽域十回度人六氣五運
合會飛昇太虛寥廓肇立元根神靈浮景大化生音三玄降鍊
無象無形八垣舒光陰復陽明剛柔相勝皇道乃旋玉機飛輪
流演萬天丹輝晶瑩正炁綿綿太玄帝一開生御圖皇上素耀
普受真符青簡綠字鳳紐靈書七神啟輝備足五行經緯交絡
輪轉四虛巍巍玄景萬聖之居中有庭霞校錄之君中有長離
應運之尊中有麗陰仙鍊之真中有鬱單變氣丈人中有崑崙
閭風司執元化統御萬道延壽尊神浮霄鎮嶽無量度人今日
敷教諸天臨軒

道藏輯要

度人妙經

六

元集二
川百三

東方无極開生神王長生大聖无量度人
南方无極化育神王長生大聖无量度人
西方无極玄變神王長生大聖无量度人
北方无極持德神王長生大聖无量度人
東北无極隱妙神王長生大聖无量度人
東南无極泰幽神王長生大聖无量度人
西南无極冲氣神王長生大聖无量度人
西北无極合道神王長生大聖无量度人
上方无極廣運神王長生大聖无量度人
下方无極定鎮神王長生大聖无量度人

十方至真立極神王長生度世无量大神並乘流飈翠車華輦
紫蓋飛輪驂駕龍虎道從風雲建丹光之節靈鳳黃旗左列九
天寶器右陳八景真文神印朱符收攝萬祇天綱前驅七元後
從四極十華讚詠而來天經明耀召靈度仙鬱單翊相大洞高
真青華上佐萬始先生總領圖籍來詣帝軒隨劫開建嚴校五
行持紐運機使氣無傾大劫交周同會河源促召烏母役御蛟
龍陀丘億眾下守崑山灌注東井通導水津洪波浩蕩風淵九
重數殆百六陰極歸陽金玉化銷六合冥冥五常返復水火推
遷延康既往蕩穢除姦高仙下降拔度種民長安太虛遊宴上
玄赤光開圖三象復明吾憫羣類乃降玉章以命五老安鎮長
道藏輯要

度人妙經

七

元集二
川百一

東方八天

太豫玉微天

帝韞慈時明

朱英薜藹天

帝浮輝元霄

惠佑太和人

帝嶠都仇瀾

至正廓常天

帝栢閑覩生

寥霽散神天

帝肇敷蒙儲

徧景耀華天

帝求時衍彊

樂淵鏡皇天

帝超度幽明

皓輝慶名天

帝總監韓司

南方八天

洞覺合帝天

帝虛陳妙依

玉元澄至天

帝景伯孫

梵光靜真太

帝泰初止騫

照理極炎天

帝盧神管魂

九帝辨宗天

帝陰君密通

太丹沖基天

帝鬼祖登

逸用變神天

帝嶽靈轉蹊

道藏輯要

度人妙經

八

九集二

藏氣化仙天

帝領真監

西方八天

大委顯光天

帝素明耀羅

紫宸大元天

帝子寶窈門

夜光含液天

帝朱華正幾

感穴凝金天

帝瓊池祥延

麗澤正肅天

帝鬼化奇都

玉瀾麗初天

帝晶齊演山

崇仁振幽天

帝魂度陵

照胎化真天

帝蕩元伯康

北方八天

太上眞化天

帝絳氣玉華

造太遠揚天

帝重明仙

軫翼司赫天

帝鍊神超雲

直泉閼崇天

帝黎松淨空

燕和納嘉天

帝宗冥祈修

淵光元淨天

帝四登朗期

瓊聖紫霄天

帝無常居

洞波混溟天

帝震厯五輪

三十二天三十二帝諸天隱諱諸天隱名天中空洞自然靈章

道藏輯要

度人妙經

九

元集二
川卷一

諸天隱韻天中之音天中之尊天中之神天中大魔天中之靈
八遷四纏合併太清玄運之度變化有常流演三華普育生民
升騰兩曜灌鍊五行正綱執紀以化萬靈使氣備足壽域無傾
七九相結大小相交大輪運化經緯幽寥周還四精回度扶搖
天開地闢梵炁流焱五神飛光萬類肇形離坎化眞咸契生成
丹靈玄仞蒼宮浩清今日欣慶建立三景騰輝鎮安地紐旋幹
天維超昇玉闕位列太微大魔監察明啟元機歲星守肝太白
檢肺熒惑正心辰耀輔腎鎮星定脾布天威令始老發生皇老
保命眞老降氣玄老開性元老四據萬境以正九氣仙王總校
圖錄三炁仙王攝御養育七氣仙王司執殺伐五氣仙王肅清

蕩滌一氣仙王坐鎮天關五方上真化天稱尊飛行八極總領
神兵爲道元輔持握四溟遏絕邪源除蕩妖氛威光下濟周徧
十方雷電爭激風火施張萬彙保安道化甯康息澄眞固並獲
長生恢宣大範告命普聞五神協慶列象文明大殺豁落陰斗
書名攝召六天考校雲營百邪摧伏氣合眞仙炎精振威淵耀
持權生靈安泰壽域永延元始符告勅命天官不容隱遏開導
冥關幽沈羣類俱遂昇遷三元上佐列奏

上云

開天御歷龍耀剛風黃素敷眞太合太空中輪元斗下立靈宮
飛神化育梵炁成文渺渺洞泉無極冥冥天關運轉羣品流形

道藏輯要

度人妙經

十

亢集二
メーリ

元造億劫溟滓鴻濛赤光啟明混洞冲融泰清遼邈杳杳無窮
靈寶設象萬化之宗太微九道皇極彌隆上元浩立大洞玉篇
三十九皇赤書寶章普植百神永鎮十方常安太虛正憲宣揚
儀璘執試萬景舒光玄綱調攝位列高眞眞中上靈金闕輔臣
揮霞紫房御氣太霄流音景延合範清謠雲營足質炎方扇飈
鬱察圓羅召命玉宸玉宸降氣自然化生生道妙微徊風帝尊
雄一元父雌一元君混結交變成育五行五行御運六氣迭興
素精金華萬和成仙靈威洞照明煥九天眞光下濟開闢幽關
太陰曹局黃闕洞淵秉道威令勅告九官九官列奏上聞諸天
考校罪福宿命因緣不得差忒戒教明宣普受開度咸獲升遷

遷升太極書名玉京玉京之上各有生門中有五行空洞之音
魔王靈章辭參高真

第一飛仙讚歎五行備足之音

元始開圖

生育陰陽

二象既成

七耀飛光

沖和布靈

萬物無傷

安鎮五山

地久天長

至覺體道

與氣合并

水火升降

光照華京

上下往來

流運胎津

百神混結

徊風返生

飛行玉闕

坐觀十方

採集雙華

灌鍊黃房

五行備足

道藏輯要

度人妙經

上

元集二

保天無傾

役使百魔

我道澄清

第二真人吟詠生靈壽域之章

龍漠眇眇

回度三華

降生靈兮

受氣鬱羅

茫茫貪欲

沈溺愛河

浩劫迷所趣

安能出輪迴

大魔攝汝形

遊魂逐氣歸

既已背正道

受生知何依

汨沒三途中

空使天仙悲

豈知造化心

均壽何有期

十部洞玄篇

以爲登真基

一悟長生道

靈府廓爾開

運身入太虛

合體皆仙飛

第三高真宣示超出五行成道歌曰

峯我鬱察山

玉宸誕茲嶽

託靈洪氏胞

幽棲經億劫

得遇虛皇尊

開演靈寶法

鎮天永不傾

怡然坐金闕

濟度無量眾

降神居斗極

把握天地機

經緯環拱立

素靈秉朱旛

青皇建金鉞

逍遙度赤光

玉文當一出

羣品之有生

五行皆備足

數極返歸無

誰能定生滅

學真諸仙民

胡不奔日月

一誦飛天書

大劫可超脫

遊宴無何鄉

億天歡且悅

道藏輯要

度人妙經

三

元集二
川文三

此三界之上飛空之中仙真歌音音參洞章誦之百徧名度南
宮誦之千徧魔王保迎萬徧道備飛昇太空過度三界位登仙
公有聞靈音魔王敬形勅制地祇侍衛送迎拔出地戶五苦八
難七祖昇遷永離鬼官魂度朱陵受鍊更生是謂無量普度無
窮有秘上天文諸天共所崇泄慢墮地獄禍及七祖翁

道言此二章並是諸天上帝及至靈魔王隱祕之音皆是調制
五行不相剋伐運備氣足招降和氣使生靈之命補斷續絕生
生不窮福祉薦至壽域綿遠元始飛玄之氣結爲洞章大梵之
言非世上常辭言無韻麗曲無華宛故謂公奧難可尋詳上天
所寶祕於玄都紫微上宮依公科四萬劫一傳若有至人齋金

寶質心依舊格告盟十天然後而付焉

道言夫天地運度否終日月五星虧盈至聖神人休否末學之夫疾傷皆非五行備足故爲災殃凡有此裁同氣皆當齊心修齋六時行香十徧轉經福德立降消諸不祥無量之文普度無窮

道言夫末學道淺或以仙品未充運應滅度身經太陰五行之氣未備未足金木盜精水火伐氣土潰金鎔神爲之遷臨過之時同學至人爲其行香誦經十過以度屍形如法則五星氣協神精完滿備足之運還生於身魂神經上南宮隨其學功計日而得更生輪轉不惑便得神仙

道藏輯要

度人妙經

三

元集二
卷一上

道言夫天地運終星宿錯度日月失昏四時失度陰陽不調國境災癘兵氣犯斗疫毒流行兆民死傷師友命過同學殞逝皆五運大小之殊履非其道乖備足之福亦當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得爲聖君金闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語無量音 道君撰

元始靈書中篇

東方八天

太密珠穴 洞杳霞津 機運水火

龍浮妙梵 混合神真 無英華紳

白元錦綢 帝一虎中 素景回黃

散房成雲 雄雌氣溢 五靈繽紛

儀璘交煥 中池帝君 朱衣碧冠

紫烟四屯

南方八天

生命固壽 五老乘崑 飛光漸海

道藏輯要

度人妙經

古

元集二
川。上

金液沄沄 羅阿重冥 寥無太宸

倏忽萬化 靈根自新 慎謹天禁

得知寸深 郁太上都 瓊祚蕭森

蹈白履虛 鳳譙寶輪 玄智神停

生死流塵

西方八天

守不知知 至道冥冥 離邊去思

神霄有門 端待至空 空爲生尊

神運意鑪 三一常明 玉書寶章

大梵岡輪 結閑勿露 自然成真

真魔鬼帥

走檄驅氛

備運足數

生靈保身

北方八天

壽實天福

納錫種民

九韶法纓

巨濫無求

攬綠泛景

浮靄洛臺

育蓋竺萌

日導月付

變質龍靈

東蒼南閭

靜省公評

昊莽迷度

那韓上京

奏錄度輯

元皇渺浼

恢澤輔忱

道言此諸天中大梵隱語無量之音舊文五老上帝刻書五星

道藏輯要

度人妙經

五

九集二
川。上

玉闕以正分度降備足之氣壽彼生靈字皆廣長一丈天真皇人昔書其文以爲正音有知其音能齋而誦之者諸天皆遣飛天神王下觀其身書其功勤上奏諸大萬神朝禮地祇侍門大勳魔王保舉高真道備尅得遊行三界升入金門此音無所不辟無不所襪無所不度無所不成天真自然之音也故誦之致飛天下觀上帝遙唱萬神朝禮三界侍軒羣祿束首鬼精自亡琳琅振響十方肅清河海靜默山嶽吞烟萬靈振伏招集羣仙天無氛穢地無祲塵冥慧洞清大量公公也